

## Сийрат 198-дарс. Ҳақиқий паҳлавон ким?

The image shows the cover of a book titled 'СИЙРАТ' (Siyarat) in large white letters, with 'дарслари 198-дарс' (198 lessons) in smaller white letters below it. The background is light green with a decorative pattern at the top. To the right of the title is a logo for 'ISLOM.UZ'. In the center is a stylized illustration of a green dome and minaret, resembling the Dome of the Rock in Jerusalem. Below the title, there is a small box containing text in Russian.

Сийрат дарслари Шайх Мұхаммад Содиқ Мұхаммад Юсуф роҳимаҳуллоҳнинг  
«Бу – Расууллоҳ соллаллоҳу алайҳи васаллам» таржима китоблари ва  
“Ҳадис ва ҳаёт”нинг 19-жузъи асосида бериб борилади. Мавзуларнинг тўлиқ матни  
 билан танишиш учун китобнинг ўзига мурожаат этиш тавсия этилади.

19:00 / 26.08.2022 2632

761. Оиша розияллоҳу анҳодан ривоят қилинади:

«Расууллоҳ соллаллоҳу алайҳи васаллам кечаси унинг ҳузуридан чиқдилар. Шунда рашким келди. Сўнгра у зот келдилар ва қилаётганимни кўриб: **«Сенга нима бўлди, Оиша, рашк қилдингми?»** дедилар. «Менга ўхшаган сизга ўхшагандан рашк қилмай ҳам бўлармиди?» дедим. Шунда Расууллоҳ соллаллоҳу алайҳи васаллам: «Шайтонинг келдими?» дедилар. «Эй Аллоҳнинг Расули, мен билан шайтон борми?» дедим. «Ҳа», дедилар. «Ҳар бир инсонда ҳамми?» дедим. «Ҳа», дедилар. «Сиз билан ҳамми, эй Аллоҳнинг Расули», дедим. **«Лекин Роббим менга ёрдам берди ва у мусулмон бўлди»**, дедилар».

Муслим ривоят қилган.

\* \* \*

762. Абу Ҳурайра розияллоҳу анҳудан ривоят қилинади:

«Набий соллаллоҳу алайҳи васаллам: **«Паҳлавон курашда йиқитган (киши) эмас, ҳақиқий паҳлавон ғазаб пайтида ўзини ўнглаб олгандир»**, дедилар».

Бухорий ва Муслим ривоят қилишган.

\* \* \*

763. Абу Зарр Ғифорий розияллоҳу анҳудан ривоят қилинади:

«Расулуллоҳ соллаллоҳу алайҳи васаллам: «**Сизлардан кимда-ким ғазабланса, тик турган бўлса, ўтириб олсин, ғазаби кетса - кетди, бўлмаса, ёнбошласин**», дедилар».

*Абу Довуд ва Ибн Ҳиббон ривоят қилишган.*

\* \* \*

764. Сулаймон ибн Сурад розияллоҳу анҳудан ривоят қилинади:

«Икки киши Набий соллаллоҳу алайҳи васалламнинг ҳузурларида сўкишиб қолди. Иккисидан бирининг кўзлари қизариб, томирлари бўртиб чиқа бошлади. Шунда Расулуллоҳ соллаллоҳу алайҳи васаллам: «Агар уни айтса, ундаги бу нарсани кетадиган калимани биламан. Бу «Аъгузу биллаҳи минаш-шайтонир рожийм»дир», дедилар. Шунда у: «Менда жиннилик бор деб ўйлайсанми?» деди».

*Бухорий ва Муслим ривоят қилишган.*

**«Расулуллоҳ соллаллоҳу алайҳи васаллам» китобидан**